

Sakspapir

Saksbehandlar	Arkiv	ArkivsakID
Eirik Bouwer Utne		16/21

Saksnr	Utvalg	Type	Dato
06/2016	Ungdomsrådet	PS	07.01.2016

Vegen vidare for ungdomsklubb i Meland kommune

Saksopplysningar:

Bakgrunn

I møte den 8.9.2015 under aktuelle saker, ULK-sak 49/2015, ba Utval for levkår om å få vurdert om banklokalet i kjellaretasjen på Meland rådhus kan vere egna som ungdomsklubb. Vurderinga er varsla til handsaming i kommande møte i ULK den 19.1.2016.

Ungdomsrådet hadde spørsmålet om ungdomsklubb i banklokalet oppe i møte den 26.11.2015, UR-sak 18/2015, med vedtak «Ungdomsrådet ønskjer å sjå an prosessen med meieriet før ein går vidare med ungdomsklubb i banklokalet».

Kommunestyret vedtok i møte den 16.12.2015, K-sak 140/2015, å setje av «kr 200 000 til fritidsklubb Frekhaug. Føresetnad – arbeidet må i all hovudsak skje i regi av friviljuge lag og organisasjonar».

I denne saka vert omgrepa fritidsklubb og ungdomsklubb nytta utan å ta omsyn til ein eventuell skilnad på innhaldet.

Vurdering

Ungdomsrådet er ein sentral part i eit arbeid for ein ungdomsklubb i Meland kommune. Rådet skal vere representert i den varsla arbeidsgruppa for ungdomsklubb i Meland kommune. På bakgrunn av tildelinga i budsjettet for 2016 til ungdomsklubb vil det vere naturleg at Ungdomsrådet har ein diskusjon om deira synspunkt for veggen vidare for ein ungdomsklubb i lys av vedtaket i kommunestyret.

Konklusjon

Det er satt av kr 200 000 i budsjettet for 2016 til fritidsklubb. Ungdomsrådet kan ha ein diskusjon om veggen vidare for ungdomsklubb i Meland.

Framlegg til vedtak:

Ungdomsrådet har diskusjon og gjer vedtak i møte.

Ungdomsrådet - 06/2016

UR - behandling:

Det var ein diskusjon om temaet i møtet med følgjande hovudpunkt frå representantane:

Sofie Eikeland:

- Kan kommunen ta oppussinga på anna budsjett enn dei kr 200 000.
- Banklokalet har for usikkert interiør, glas som kan knuse, vindauge som må dekkast til. Kan ein gjere det lydtett.
- Banklokalet kan føre til klagar frå naboar og butikkar.
- Meieriet har plass til store rom og scene, banklokalet passar for butikk og vil koste penger å pusse opp. Investeringa må gjerast der ein får mest mogleg ut av den, òg til andre ting enn ungdomsklubb. Det er ein meir naturleg ungdomsklubb.
- Ein ungdomsklubb må vere på Frekhaug og mest mogleg tilgjengeleg for alle, med tanke på kollektivtransport.
- Midlertidig løysing kan verte ein fast løysing
- Banklokalet er ikkje optimalt, og det kan gjere at få ungdommar nyttar seg av tilbudet.
- Ein må tilsette nokon til å styre klubben.

Jonas Askeland:

- Går dei 200 000 til oppussing eller drift.
- Banklokalet vil ikkje nyttast til klubb kvar dag, vil redusere eventuelle klagar.
- Meieriet kan ta lenger tid å få til.
- Folk vil ha ein plass no, banklokalet kan nyttast inntil vidare.
- Vindauge kan dekkast til med persiennar.

Alrik Frost:

- Dei som har tilhald i meieriet i dag må i tilfelle finne ein annan plass å vere, det vil ta tid.
- Det er bevilga 200 000, og på tide at noko skjer.
- Det kan fort verte halvgjort når ein gjer noko midlertidig.
- Det er dyrt å drive klubb, kvar skal pengane komme frå.

Ida Herland:

- I banklokalet vil butikkar ta merksemd frå eigne aktivitetar og omsetjing frå eigen kiosk.
- Inngagsdøra går opp når ein kjem for nære.
- Det er lite plass, eit biljardbord vil til dømes ta opp store delar av rommet.
- Kan Flatøy skule vere eit alternativ

Susanne Slettebakken:

- Når eit midlertidig tilbud først er der ved banklokalet, vil det vere vanskeleg å få til noko anna.

Thobias Mellingen:

- Meieriet er meir egna, ein kan slå seg meir laus. Uteområda kan nyttast til basket og andre aktivitetar. I Banken vert det mykje støy, korleis er isoleringa.

Tilleggsframlegg i møte frå Jonas Askeland:

-Ungdomsrådet ønskjer ungdomsklubb i det gamle meieriet, men vil halde døra open for banklokalet. Tileggsframlegget frå Jonas Askeland fekk 3 stemmer for (Askeland, Lavik, Herland) og 4 stemmer mot (Slettebakken, Eikeland, Mellingen, Frost) **og fall.**

Tilleggsframlegg i møte frå Sofie Eikeland:

- Ungdomsrådet ønskjer ikkje å ha ungdomsklubb i banklokalet, på bakgrunn av diskusjonen i møtet. Tileggsframlegget frå Sofie Eikeland fekk 6 stemmer for (Herland, Slettebakken, Eikeland, Lavik, Mellingen, Frost) og 1 stemme mot (Askeland) **og står.**

UR - vedtak:

"Ungdomsrådet ønsker ikkje å ha ungdomsklubb i banklokalet, på bakgrunn av diskusjonen i møtet"